

KERATAN AKHBAR

TARIKH : 28 JULAI 2023
AKHBAR : UTUSAN MALAYSIA
MUKA SURAT : 6

Defisit belanjawan berterusan beri kesan buruk pada negara

Defisit belanjawan berterusan beri kesan buruk pada negara

Oleh **JUANI MUNIR ABU BAKAR**
juani.bakar@gmail.com

KUALA LUMPUR: Defisit belanjawan berterusan sejak 1998 dengan angka hutang dijangka mencecah lebih 60 peratus berbanding Keluaran Dalam Negara Kasar (KDNGK) akan memberi kesan yang parah kepada ekonomi negara.

Perdana Menteri, Datuk Seri Anwar Ibrahim berkata, negara terbeban dengan hutang yang membengkak dan 16 peratus hasil negara diperuntukkan hanya untuk melunaskan hutang.

Tambah beliau, gejala itu dikhuatiri akan mengekang keupayaan negara dalam menumpu kepada pembangunan yang akan menjamin kesejahteraan rakyat termasuk pelaburan awam serta penjana kebolehpayaan ekonomi.

"Pendapatan Garis Kemiskinan disemak semula pada 2019, dan berikutan pandemik Covid-19, tahap kemiskinan melonjak ke dua angka.

"Dimusykilkan adalah kerana gejala ini telah menyebabkan kesenjangan melebar dan muncul golongan mahakaya ketimbang

jumlah kemiskinan yang bertambah dengan simpanan yang kian mengecil.

"Laporan Survei Gaji dan Upah 2021 yang mendedahkan kemelut akibat gaji yang rendah, khususnya menyangkut golongan muda berumur 24 tahun ke bawah. Gaji bagi separuh pekerja Malaysia kurang daripada RM2,250 sebulan. Beliau khususnya graduan berhak meraih pendapatan bermakna," katanya dalam Majlis Peluncuran Ekonomi Madani: Memperkasa Rakyat di Suruhanjaya Sekuriti, Bukit Kiara di sini, semalam.

Jelas Anwar, keadaan itu tentunya mengkhawatirkan dan negara yang bertanggungjawab perlu merangka program bagi mengatasinya.

"Hakikatnya apa yang diuaruikan daripada cita-cita Wawasan 2020 dan janji-janji muluk sebelumnya tidak tercapai.

"Setelah mengambilkira keretakan struktur ekonomi yang ditambah dengan kelemahan tata kelola dan ketelanjuran elit pemerintah, ia menuntut kita melakukan perubahan atau anjakan yang bermakna," katanya.



ORANG ramai melihat kandungan inisiatif yang dirancang dalam kerangka Ekonomi Madani: Memperkasa Rakyat yang dilancarkan semalam. - UTUSAN/ FARIZ RUSADIO